

ԱԶԳԱՅԻՆ-ՀԱՅՐԵՆԱՍԻՐԱԿԱՆ ԵՎ ՀԱՍԱՐԱԿԱԿԱՆ ՎՇՏԻ ՈՂԲ-  
ՁՈՆԵՐԳԵՐԸ ՀԱՅ ԵՐԳԱՅԻՆ ԲԱՆԱՀՅՈՒՄՈՒԹՅԱՆ ՄԵՋ

Ռ.Ա.ԻՍԱ ԽԱԶԱՏԻՅԱՆ

Բանահյուսական գիտակցությունն ու ազգային երգ-բանաստեղծությունը մշտապես ուղեկցել են պատմության շրջափուլային անցուղաբձե-րին՝ հենվելով ավանդույթների ժառանգության վրա: Բանագիտության հիմնական ինգիլը պատմական պրոբլեմն է<sup>1</sup>: Դեռես Մ. Խորենացին ժողովրդական բանահյուսությունը դիտել է իբրև սկզբնաղբյուր, «երգա-րանք բանավորք»<sup>2</sup> ընդգծելով դրանց պատմականությունը: Անժխտելի է վիպական բանահյուսության, մասնավորապես վեպի՝ իբրև պատմական բանաստեղծության դերը հայոց հնագույն պատմության մեջ<sup>3</sup>: Հայ վիպա-կան բանահյուսությունից հայտնի են ճայնարկունների ու գուսանների եր-գերը<sup>4</sup>, որոնք ծագել են պատմական որոշակի անցքերի, անմիջական տպա-վորության տակ:

Հայ երգային բանահյուսության մեջ ազգային քաղաքական կյանքին ու իրադարձություններին (պատերազմ, սով, մահ, կոտորած, անկում և այլն) ու հերոսներին նվիրված վիպաքնարական բնույթի պատմական ողբ-ձոներգերը՝ անձնական ու հասարակական վշտի, պատմական հիշատակնե-րի վերապրումի յուրատիպ դրսևորումներ են: Հին և միջնադարյան ողբե-րը հնագույն բանահյուսական մտածողությանը բնորոշ, անձնավորմամբ հորինված պատմական վայրերի, քաղաքների, պաշտպան-հերոսների քա-ղության ու հայրենասիրության գովքեր են. օր. «Ողբ Եդեսիոյ».

= Զիս ողբացեք կողկողալի,

ես՝ Եգեսիա Ուռհայ քաղաք,

Որդեկորոյս, որբ և այրի:

= Քանզի երկիր պարարտ էի,

Աղբիւր կաթին յորդ ըըղխեի,

Աւետաբեր նման վայրի:

— Բայց այսոքիւք ոչ կարացին,

Յաղթել քաջանցն, որ յիս կային<sup>5</sup>:

Ձոներգային բնույթի հայրենասիրական ողբերգ է «Ողբք ի մահն Ջուանչէրի մեծի իշխանին» (Դավթակ Քերթոզ, VII դ.)<sup>6</sup>, որը Մ. Աբեղյանը համարում է «հնագույն չավաժոն բանաստեղծություն»<sup>7</sup>: Պարթևահասակ

<sup>1</sup> Д ж. К о к к ь я р а. История фольклористики в Европе. М., 1960, с. 20-21.

<sup>2</sup> Մ. Խորենացի. Պատմություն Հայոց (այսուհետև՝ Խորենացի) (Թարգմ. ներած. և ծանոթ. Սա. Մախխոյանց). Երևան, 1968, էջ 17:

<sup>3</sup> М. Э м и н. Моисей Хоренский и древний армянский эпос. М., 1881, с. 7-8.

<sup>4</sup> Մ. Աբեղյան. Հայոց հին գրականության պատմություն. Հ. 1. Երևան, 1944, էջ 613:

<sup>5</sup> Հայ դասական քնարերգություն (այսուհետև՝ ՀԴՔ). Երևան, 1986, էջ 246-249:

<sup>6</sup> Նույն աեղում, էջ 146-149:

<sup>7</sup> Մ. Աբեղյան. նշվ. աշխ., էջ 369:

զորավար Ջեանշիրը «Յառներ ի քնոյ իբրև կորին առյուծուց»<sup>8</sup>, որից սարսափում էին թշնամիները: Նրա եղբերական մահը՝ «կականալիր ու սաստիկ գոռում-գոչումով»<sup>9</sup>, սգում էին ողջ երկիրն ու ժողովուրդը:

– Բամբ թագաւորաց քե սուգ ըզգեցան<sup>10</sup>:

– Զի սգալի ձայնիւ անդադար ողբասցուք  
ի վերայ դժնդակ կորստեանս մերում<sup>11</sup>:

Նմանատիպ ժողովրդական ողբ-ձոներգերի հիմքում ընկած են անձնական ու հասարակական վիշտը՝ ցավ, ունայնություն, ափսոսանք արտահայտող ավա՞ղ, ափսո՞ս, վայ-ամա՞ն, հեյ-վա՞խ, օ՞յ, ա՞խ և այլ զգացական սկսվածքներով ու քնարական կրկնակներով, որոնք բնորոշ են նաև թաղման ծեսերին ուղեկցող գանձերգերին (–Ավա՞ղ, ափսո՞ս, կանաչ արևգ Սամէլ, ԺԸ գար)<sup>12</sup> ու մահերգ-ողբ-ձոներգերին (հանգուցյալի արտաքին բարեմասնությունների ու արարքների գովքը) և որոնց հնում ձայնակցում էին «բանահիւս կանայք լալականք»<sup>13</sup>: Ողբ-ձոներգերում արտացոլված են նախնյայ ազգային ոգու, պատմավիպական հերոսների, պատմության հերոսական էջերի փառաբանումը, դովքն ու ոգեկոչությունը (Հմմտ. «Սասնա ծռեր» վեպի հերոսներին հիշատակող ու փառաբանող ողբ-բանաձևերը՝ ողորմիները)<sup>14</sup>: Հին հայոց մեջ նախնիների, ինչպես նաև թագավորի՝ «Բնիկ տիրոջ» մեջ մարմնացած էր հայրենիքի (հայրեր-սպար-նախնիք), ինչպես նաև երկրի անկախության գաղափարը: Պատահական է, որ հերոսական բանաստեղծության մեջ պատմական հիշատակներն ու «տիրասիրությունը» համարվել են ազգային պատվասիրություն<sup>15</sup> և ժողովրդի պատկերացմամբ՝ «անտոհմ մարդը» երբեք չի կարող հերոս լինել<sup>16</sup>: Պատմական անցքերին ու հերոսներին նվիրված ողբ-ձոներգերի հիմքում ընկած է նաև «ազգային հերոսի և հերոսականության» ժողովրդական ըմբռնումը<sup>17</sup>, հայրենիքի համար դոհվելու, հոմարակամ նրան «մատաղ» լինելու պատրաստակամությունն ու պայքարի աննկուն ոգին, որը խիստ բնորոշ է նաև ժողովրդական վիպերգերին (Հմմտ. Խորենացու հիշատակած «ամենահղոր», «ամենախոհեմ» և «բոլորից քաջ» մակդիրներով բնութագրվող Տիգրանի մասին հյուսված վիպերգերը)<sup>18</sup>: Պատմական զարգացման այդ նույն հերոսական ոգին է խոսում Ա՞խ Հայաստան, սիրդս ու հոկիս երգում<sup>19</sup>, ուր հերոսը կախաղանից առաջ երանություն մեջ է հիշում ու փառաբանում է պատմական հիշողության ու էթնիկ գիտակցության մեջ կողմնորոշված հայոց հզոր թագավորի կերպարը:

<sup>8</sup> ՀԴԲ, էջ 148:

<sup>9</sup> Մ. Կաղանկատվացի. Պատմություն Աղվանից աշխարհի. Երևան, 1969, էջ 175:

<sup>10</sup> ՀԴԲ, էջ 149:

<sup>11</sup> Մ. Աբեղյան. Նշվ. աշխ., էջ 371:

<sup>12</sup> Եր. Լալայան. Երկեր. հ. 1, Երևան, 1983, էջ 302–304:

<sup>13</sup> Մ. Աբեղյան. Նշվ. աշխ., էջ 371:

<sup>14</sup> Սասունցի Դավիթ. Երևան, 1961, IV:

<sup>15</sup> Մ. Աբեղյան. Նշվ. աշխ., էջ 209, 218, 223:

<sup>16</sup> Սասունցի Դավիթ, XXXV:

<sup>17</sup> Գ. Գրիգորյան. Հին և միջնադարյան պատմա-վիպական հերոսները. Երևան, 1991, էջ 15:

<sup>18</sup> Խորենացի, էջ 110–115:

<sup>19</sup> Ռ. Խաչատրյան. Թալին. – Հայ ազգագրություն և բանահյուսություն (այսուհետև՝ ՀԱԲ). հ. 19, Երևան, 1999, էջ 155:

Նորեն գիկեր հայ թակավոր,  
Թագն կլուխ, սուրը ձեռքին,  
Զորքն էդևեն, ձայ էրդաթին  
Ակունք ուներ լսա չի նման<sup>20</sup>:

Պատմական համանման իրավիճակները վերապրող, ժամանակները կապն ամրագրող ավանգակիր անհատ-հերոսների իսկական տեղը ըստ Հեգելի, «ազգային պատերազմներն են»<sup>21</sup>, ուր թրծվում է ազգային-աղատագրական պայքարի ոգին և փորձության ժամին, հանուն հայրենիքի, մահասլարտ են գառնում ազգի հերոսները (համտ. մերօրյա արցախյան ազատամարտում՝ Վարդանանց ոգով հերոսացած Վազգեն սպարապետի և հայրենյաց կոչով մահապարտ դարձած հերոսների երգումն ու երգ-կարգախոսը)։

= Ուխտել ենք կովել խաչո՛վ ու սրով:  
= Արծի վ, սլաղիր ճաճկահայաստան  
կնո տու հըսի էրդրում ու վան,  
կնո տու ըսը օր գիկաք շուղով,  
Ուխտել ենք կովել խաչո՛վ ու սրով<sup>22</sup>:  
= Մեր եռագույնը թող միշտ շողշողա  
խնուս ու Շատախ և հողում Արցախ<sup>23</sup>:

Ազգային-հայրենասիրական բնույթի ողբ-ձոներգերում («Ողբ»<sup>24</sup>, «Մայր Հայաստանը գուլար սգավոր», «Երբ որ կործանվեց չքնաղ մեծ Անին»<sup>25</sup> և այլն) ժողովուրդը ողբում է ոչ միայն սլատմական փաստն ու իրավիճակը, ազգային վիշտն ու պատմական հայրենիքի կորուստը, այլև անսասան հավատով հայահավաքի, միասնության և զենքի կոչելով (երբեմն էլ՝ բանադրանքով) կորած լեռնաշխարհին տեր կանգնելու ուղիներ է փնտրում։

— Մշու կարիճներ բոլոր բռնվան  
Զդաշտի հայեր փաթթեց սև դու-  
ման<sup>26</sup>:  
= Մեր ու մանուկ կոտորվեցին,  
Վայ ամա՛ն, վայ ամա՛ն, վայ ա-  
մա՛ն<sup>27</sup>:  
= Հե՛յ վա՛խ, հեյ վա՛խ դերի Սա-  
սուն,  
Ընդել էր սուգ ու վայնասուն<sup>28</sup>:  
= Զուլում, գուլում, քաջ սասուն-  
ցիք<sup>29</sup>:  
= Տարոն-Մուշ գավառ՝ արյուն գհո-  
սեր,  
Հայրենիքը մեղ՝ զենքի գգանճեր<sup>30</sup>:

— Կտրել է հովիտը, փովել է հասը,  
Թուրքին է մնացել հայկական արս-  
տը:  
— Որտեղ մեզ հայ կա, էկե՛ք դուր-  
գուրենք  
Մեր պապական հողին դիրուծյուն  
անենք<sup>31</sup>:  
= Ալաշկերտ, Բադրևանդ գավառ,  
Մնաս թշնամուղ՝ հոգեառ<sup>32</sup>:

<sup>20</sup> Նույն տեղում:  
<sup>21</sup> Հեգել. Բուն էպոսի առանձին հատկանիշները.— «Սորհրդային գրականություն», 1940, №1, էջ 163:  
<sup>22</sup> ՀՀ ԳԱԱ Հնագիտության և ազգագրության ինստիտուտի բանահյուսության արխիվ. Ռ. Խաչատրյանի ֆոնդ (այսուհետև՝ FRI) FRI: 3419-3420:  
<sup>23</sup> FRI: 3419:  
<sup>24</sup> Ա. Ղ ա գ ի յ ա ն. Հայ ժողովրդական ոսգմի և զինվորի երգեր. Երևան, 1989, էջ 87:  
<sup>25</sup> ՀԱԲ. էջ 166:  
<sup>26</sup> Ա. Ղ ա գ ի յ ա ն. նշվ. աշխ., էջ 87:  
<sup>27</sup> Կենդանի կենցաղավարող երգային բանահյուսություն (այսուհետև՝ ԿԿԵԲ):  
<sup>28</sup> ՀԱԲ. էջ 164:  
<sup>29</sup> Ա. Ղ ա գ ի յ ա ն. նշվ. աշխ., էջ 98:  
<sup>30</sup> Նույն տեղում, էջ 157:  
<sup>31</sup> Նույն տեղում, էջ 166:  
<sup>32</sup> Նույն տեղում:

Նմանատիպ ողբերգերում ակնառու են Մեծ եղեռնի ահասարսուռ դրվագներն ու ազատատենչ սասունցիների ինքնապաշտպանական կռիվները, արևմտահայության չմեռնող մարտական ոգին և հարատևման խորհուրդը: Հայ երգային բանահյուսության մեջ կենցաղավարող պատմահայրենասիրական նման ողբերգերի բովանդակային հենքը ազգային վշտի և հերոսական ոգու հակադրությունն ու շարունակականությունն է: Դրանք, հիմնականում, կարելի է համախմբել հետևյալ ենթախմբերում.

1. Պատմական դեմքերին, թագավորներին, զորավարներին, ազգային-քաղաքական և հոգևոր առաջնորդներին, հայդուկ-ազատամարտիկներին նվիրված ողբ-ձոներգեր, որոնք ոչ միայն հերոսների շուրջը հյուսված մահերգ-եղերգեր են, այլև սլաոմափուլերն ողակող փաստավավերագրական իրողություններ, նրանց հերոսական ոգու, սխրանքների, ինչպես նաև արտաքին բարեմասնությունների դուրք-փառաբանություններ: Ազգային ոգու ժամանակադրական-ժառանգական շղթայով ամրացած պատմական դեմքերի, հին ու մերօրյա հայդուկ-հերոսների շուրջը հյուսված ողբերգերում ժողովուրդը ոգեկոչման գեղարվեստական հնարանքով նրանց հետ է կապում ազգի փրկությունն ու հարատևությունը.

՝ Տարոն ավրվավ, Մուշ տառավ խոսլան, — Գելիեգուզան դուման էր,  
— Գելիեգազան գյուղ Հայաստանյաջ սուն, Ամբողջ Կըլին դուման էր:  
Օգոստոս վառվավ, Ներսես ջան\*, էսսուն — էլի՛, էլի՛, Գևորգ ջան,  
հաղար դուն: Վե՛ր կաց գայնի՛ր, փաշա  
— Խիրազ չմնաց, ժամիր թալնվան, ջան,  
Քզի լը դարան, Ներսես ջան, մրգ ըլ ի՛նճ Չեռքդ առ սուր, հրացան,  
մնաց: Առաջնորդարան՝ անդեր և փաղուգ Հայեր՝ չէրթան գերութ-  
Առաջնորդարան՝ անդեր և փաղուգ յան<sup>34</sup>:  
Ըդ տաշտի հայեր, Ներսես ջան, գաբեր են սև սուղ<sup>35</sup>:

Ազգի փրկության գաղափարը կրող և ժողովրդի սերը վայելող առաջնորդների, հայդուկ-հերոսների մահը դառնում է համազգային սուգ և անմահություն կոչնակ: Բանաստեղծական կատարյալ սլաոկեր է Սուլուխի կոչում «Սասնա սարերի ասլան» Գևորգ Չտուշի մահվան ու հրաժեշտի սլաոկերը, ուր ազգային հերոսի կորստյան ցավն են սսլուում ոչ միայն ժողովուրդը, այլև ողջ Մշո դաշտն ու Սասուն լեռնաշխարհը.

— Ջարգվել է Գևորգ, սարերի ասլան,  
Յուր գենքին նայեց, մեզ ալ յուր արյան:  
՝ Լուսին բարձրացավ գեպ երկնի կամար.  
Մշու դաշտ տխու՛ր, տրտում կէրևար,  
Մեռնի՛մ քեզ, լուսի՛ն, քու հարգ՝ պատվական,  
ՖռՖռքար Ասսուն, Տարոն սիրական,  
Սաչքի դուրանի ընկած քաջերից՝  
Սիրո ողջույն տար Անդրանիկ փաշին<sup>35</sup>:

\* Մշո թեմի առաջնորդ՝ Ներսես Դարախանյանի մասին է:  
<sup>33</sup> ՀԱԲ, էջ 156-157:  
<sup>34</sup> Նույն տեղում, էջ 161:  
<sup>35</sup> Այլ տարբերակում՝ Գոհար:  
<sup>35</sup> ՀԱԲ, էջ 159:

Դիմառնությամբ ու ոգեկոչությամբ են բանահայտվել նաև արցախյան աղատամարտում զոհված հերոս-ազատամարտիկներին նվիրված ոգբերդերը (Շահեն Մեղրյանց, Վահե Բաղդասարյան, Պետո, Թաթուլ Կրպեյան, Բեկոր, Կարոտ, Ահարոն և այլոք), հերոսներ, որոնք զենքի հետ, իրենց հոգում, մշտապես կրում էին գարավոր թշնամու (թուրք-ըսկերի) դաժան կերպարը՝ վերապրելով Եղեռնի դժոխսային դրվագները.

– Շահբուլաղ դյուղը դարձավ Նոր Սուլուխ

Պայթեց նոր գնդակ, ինչպես հրաբուխ:

= Դե ոտքի ելեք, ո՛վ հայոց քաջեր,

Ըսկըր չբրձի մըր սուրպ էրգրեն,

Թող ցեղերն այգ պիղծ ու թափառական,

Քո ահից թողնեն հո՛ղը հայկական:

= Ա՛խ, ինչո՞ւ ընկար և ո՞ւմ գնդակից,

Վե՛ր կաց, Ահարո՛ն. վե՛ր կաց խոր քնից<sup>36</sup>:

– Մռավ լեռան լանջին՝ սև ամպեր կապեց.

Արցախ գավառ յուր որդիներին կանչեց<sup>37</sup>:

– Փարվեցավ կուվում, Շահեն Մեղրյանց.

Մռովի լանջին, անվեհեր հսկան,

Սրբությամբ պահեց հայկյան անունը,

Թափեց իր վերջին կաթիլ արյունը<sup>38</sup>:

– Երեք ձիավոր դարձան ուխտավոր,

Արցախ աշխարհի սուղն էր ահավոր<sup>39</sup>:

= Ե՛լ, Անդրանի՛կ, հեծի՛ր քո ձին,

Քեզ է սպասում դարաբաղջին<sup>40</sup>:

Պատմական տարբեր ժամանակահատվածներում, տարբեր դրվագներում ոգեղենի խաչմերուկում, կարծես, հանդիպում են հին ու նոր հերոսները, պատմական ժամանակը դառնում է ներկա: Նույնատիպ ողբեր են հյուսվում արցախյան ազատամարտի օրերին.

– Սև ամպերը հայոց երկինք պատեցին

Պայծառ արևն ու լուսինը ծածկեցին<sup>41</sup>:

– Ոչ ինչք մնաց, ոչ ապաստան, ոչ պաշտպան,

Նստել անտեր արյուն գուլա Հայաստան<sup>42</sup>:

Եվ մի վերջին անգամ հայը համոզվեց, որ լացով ու ողբով չի կարող փրկել Հայաստանը, և ի վերջո, վշտի մոտիվը տեղի է տալիս մարտակոչի (հմմտ. «Մգրոյի մահը»)<sup>43</sup>:

= Օվ իր ազգի դեմ զոհվի = Պետք է կուվել կամ՝ չքանալ հավիտյան<sup>45</sup>:  
Արժանի՛ է մեծ փառքի<sup>44</sup>:

<sup>36</sup> FRI: 3399-3401:

<sup>37</sup> FRI: 3403:

<sup>38</sup> FRI: 3383:

<sup>39</sup> ԿԿԵԲ (Երգը գրառել և երգել է ազատամարտիկ Վրեժ Սուրբխասյանը մարտադատում, վերավորվել է 1994 թ. Ստեփանակերտում):

<sup>40</sup> FRI: 2901:

<sup>41</sup> FRI: 2913-2914:

<sup>42</sup> FRI: 2913:

<sup>43</sup> ՀԱԲ, էջ 156:

<sup>44</sup> Նույն տեղում:

<sup>45</sup> FRI: 2913:

2. Պատմական վայրերին, գավառներին, քաղաքներին ու գյուղերին նվիրված ողբերգեր, որոնց թեմատիկ-գաղափարական հենքն ազատագրական պայքարում համընդհանուր վիշտն է («Գելիեգազանի կործանումը», «Ադանայի ողբը»)՝<sup>46</sup>, պատմական փառավոր անցյալի հիշատակութունն ու ոգեկոչությունը: Համեմատենք՝ ուշմիջնադարյան մատենագրության մեջ՝ «Ողբ ի վերայ Հայաստան աշխարհի» (Ղաղար Զահեկեցի XVII-XVIII դդ.)՝<sup>47</sup>:

= Ո՛ւր են նախկին հարքն ամենայն:  
= Ո՛ւր են գաւառքն մեր հայրենի՝<sup>48</sup>:

Անցյալի պատմական արժեքների ու ազգային հերոսների կորուստը հիշատակող նմանատիպ ողբերգերում՝ հարց-հորդոր-հրաման-ցատում արտահայտող դիմումային հոետորական բնույթի ավանդական կայուն ձևերը (ո՛ւր են, հիշենք, խոսենք և այլն) հնչում են իբրև նախատինք ու սթափեցնող մարտահրավեր (հմմտ. Մ.Խորենացու «Ողբ»-ում. = Ո՛ւր է երկայն ճանապարհները հեշտացնող հույսը...)<sup>49</sup>: Հարցումային նման կայուն ձևերն ու կրկնակ-բանաստեղծը պահպանվել են արդի երգային բանահյուսության մեջ (օր.՝ Ո՛ւր են, Ա՛ իս Ամբերգն ու Արխաշանը, Ա՛ իս Ալադյալ և այլն)<sup>50</sup>, որոնք հայրենասիրական մոտիվներով բանահյուսված պատմական փառավոր անցյալի, ազգի նվիրյալ հերոսների, ազգային արժանապատվության և ինքնագիտակցության վերգարթոնքի ոգեկոչման ուղեցույցներ են (հմմտ. Մուշեղ Մամիկոնյան իգեալ-հերոսի կերպարը հայոց վիպական բանահյուսության, ավանդական վեպի մեջ [«Պարսից պատերազմ»], որն ապրում էր ոչ միայն իր «տիրոջ և աշխարհի համար», այլև թույլ էր տալիս «անգամ մի կորու չափ գետին հայոց երկրից վտարել, օտարել»)՝<sup>51</sup>:

= Հեյ, ժողովուրդ հիշենք,	Խոսե՛ք Արտաշատ ու Դվին.
Մեր քաջերին հիշենք.	Արքա-հորներդ ո՛ւր են.
Հիշենք Մուշեղ գործավարին	Ձեր անմատչելի քաղաքների
Հայ ազգության մեծ սրաշուպանին	Արթուն դոնապաններն ո՛ւր են՝ <sup>52</sup> :
Մամիկոնյան քաջ Վարդանանց	— Սարի ասլան, սիրուն Գևորգ,
Սոցա գերեզմաններն հիշենք՝ <sup>53</sup> :	Ո՛ւր է չկա քաջ Ֆրդայր.
= Ո՛ւր են քաջերդ Ալադյազ:	Ո՛ւր է չկա քաջ Հրայրը.
= Ո՛ւր է արծիվդ Ալադյազ՝ <sup>54</sup> :	Սեբաստացի քաջ Մուրադը,
= Ա՛ իս Ամբերգն ու Արխաշանը.	Տարոնի առյուծ Սմբատը,
Մեծ բերգն է քու նշանը,	Սպաղանաց քաջ Մակարը՝ <sup>55</sup> :
Տիրում էր Սմբատ իշխանը,	
Ո՛ւր են հայերդ, Ալադյազ՝ <sup>51</sup> :	

<sup>46</sup> ԿԿԵԲ:  
<sup>47</sup> Ա. Ա յ վ ա զ յ ա ն. Ղաղար Զահեկեցու գաղափարախոսությունը. — «Պոստ-բանասիրական հանդես». 2002, №1, էջ 141-154:  
<sup>48</sup> Նույն տեղում, էջ 149:  
<sup>49</sup> Խ ո ռ ե ն ա ց ի. էջ 317:  
<sup>50</sup> ՀԱԲ, էջ 166-167:  
<sup>51</sup> Մ. Ա բ ե ղ յ ա ն. նշվ. աշխ., էջ 224:  
<sup>52</sup> ՀԱԲ, էջ 167:  
<sup>53</sup> Նույն տեղում:  
<sup>54</sup> Նույն տեղում:  
<sup>55</sup> Նույն տեղում:  
<sup>56</sup> FRI. 3317:

Դիմառնության գեղարվեստական հնարանքով հորինված սլատմական հերոսներին ու արժեքները հիշատակող կարոտաբաղձ այս բանատողերը մեզ կրկին հիշեցնում են միջնադարյան ողբ-ձոներգերը.

– Արևելյան քաղաքդ Անի...  
Քանզի երբեմն և դու էիր՝

Վայելչական հարսն ի քողի.  
Մերձաւորաց յոյժ ցանկալի.

Հեռաւորաց փափագելի<sup>57</sup>:

Փողովրդական բանահյուսության մեջ հայոց վեհաշուք մայրաքաղաք Անիին նվիրված ողբերգի տարբերակները («Ողբ Ապովյան»<sup>58</sup>, «Ողբ Անիի»<sup>59</sup>, «Ա՛խ Անի»<sup>60</sup>, «Անի»<sup>61</sup> և այլն) հանգիպում են վշտի, կորստյան ցավի, կարոտի ու հայրենաբաղձության մոտիվներով, որոնց բանատողերն ավարտվում են ճակատագրի ու նենգ թշնամու գեմ ըմբոստությամբ ու բանագրանքով.

= Նման ես ջրում ջախջախված նավի.

Դեսնողը չի՝ օգնի, միայն զյգավի,

Մնացել ես գիսաքանդ, ալեր, Անի՛, ա՛խ Անի:

= Անի՛, Անի՛ անբախտ Անի, ա՛խ Անի՛,

Մեզ լացողը քեզ ինչ անի, ա՛խ Անի<sup>62</sup>:

= Անի՛, Անի՛, ա՛խ Անի,

Քանզողի տունը քանգվի<sup>63</sup>:

Հայ երգային բանահյուսության մեջ հերոսներին ու սլատմական վայրերին նվիրված վրպաքնարական ողբ-ձոներգերը դալիս են դարերի խորքից, հետևանք են սլատմական որոշակի իրավիճակների ու շրջադարձերի (սղգային ազատագրական սլաքար, Մեծ եղեռն, արցախյան դոյամարտ) և ունեն սլատմավերագրական, էթնիկ-հոգեբանական որոշակի արժեք արտացոլելով ոչ միայն ազգային հերոսների, կորուսյալ բնօրրանի ողբն ու հասարակական վիշաը, այլև ազգային հերոսական ոգու, սլատմական հիշատակների երբեմնի փառքն ու վերարժեքավորումը, սլատմական հայրենիքը վերագտնելու, ազատագրելու իղձն ու արգար պահանջը:

<sup>57</sup> ՀԴՔ, էջ 244:

<sup>58</sup> Գ. Ս Ր Վ ա ն ձ ա յ ա ն ց. Երկեր. հ. I, Երևան, 1978, էջ 268:

<sup>59</sup> ԿԿԵԲ:

<sup>60</sup> ԿԿԵԲ:

<sup>61</sup> ՀԱԲ, հ. 19, էջ 166:

<sup>62</sup> Նույն տեղում:

<sup>63</sup> Գ. Ս Ր Վ ա ն ձ ա յ ա ն ց. նշվ. աշխ., էջ 268: ԿԿԵԲ:

НАЦИОНАЛЬНО-ПАТРИОТИЧЕСКИЕ И ОБЩЕСТВЕННЫЕ  
ПЛАЧИ-ПОСВЯЩЕНИЯ В АРМЯНСКОМ ПЕСЕННОМ ФОЛЬКЛОРЕ

*РАЙСА ХАЧАТРЯН*

Р е з ю м е

Лирико-этнические плачи-посвящения и скорбные песни в память о героях и исторических местах восходят к древнейшим временам, они являются порождением определенных исторических ситуаций и событий (национально-освободительная борьба, геноцид, арцахское противостояние) и имеют историко-документальное, этнопсихологическое значение, отражая не только общественную скорбь и плач по национальным героям и утраченной родине, но и былую славу и переосмысление героического духа и исторической памяти, справедливые чаяния народа вновь обрести, освободить историческую родину.

NATIONAL-PATRIOTIC AND PUBLIC LAMENTATIONS-DEDICATIONS IN  
THE ARMENIAN SONG FOLK-LORE

*RAISA KHACHATRYAN*

S u m m a r y

Lyrical-ethnic mournful songs and lamentations dedicated to historical sites and heroes go back to the most ancient times, they are a product of definite historical situations and events (national-liberation struggle, the Genocide, the Artsakh stand) and have historical-documentary and ethno-psychological significance. They reflect the public sorrow and lamentations for national heroes and the lost homeland, as well as the past glory and reconsideration of the heroic spirit and historical memory, the just aspiration to regain and liberate the historical fatherland.